

UYINI UMBONO?

 Ngiyabonga, kakhulu. Singakhuleka?

² Babe wetfu loseZulwini, siyaKubonga ngako konkhe kulunga kwaKho kitsi. Nkulunkulu, sitivela nje singakafaneleki, nekubuka kuletetsameli leti namuhla nekubona lelikhekhe lelusuku lwekalatalwa libekwe lapha. Ngiyacolisa, Babe. Ngitssetsele. Angikhoni nje kukhuluma. Kodvwa ngiyakhuleka, Nkulunkulu, kutsi ngandlelatsite, ngandlelatsite, kutsi lomfudlana welutsandvo lwebuNkulunkulu utosita wonkhe umuntfu. Busisa labantfu laba lowente lentfo lenkhulu, Babe. Ngicela nje kutsi tibusiso taKho titoba natsi, kakhulu, namuhla, size sonkhe lesakhiwo sicicime ngeNkhatimulo yaKho. Futsi—futsi ngicabanga ngasosonkhe sikhatsi nangibuka labantfu labatihhulu netimumungulu bendlula lapha, baya ngakulololunye luuhlangotsi. O, ngiyakhuleka, Nkulunkulu, ngandlelatsite, sentele lokutsite ngendlela lenkhulu namuhla. Sikucela eGameni laJesu. Amen.

³ Kwangatsi tibusiso taNkulunkulu tingaphumula etikwaBuckman. Ngiyakhuleka nje kutsi Nkulunkulu utoribusisa, bangani bami labatsandzekako. Leyo yintfo lenhle kunato tonkhe. Ngiyacabanga...Ngabe nikukhombisile esiveni? Ngabe bakukhombisile? [Lomunye umfo utsi, "Yebo." —Umhl.] Ya. Akukuhle loko? Ngifuna kutsatsa lesikhatsi lesi kunibonga. Ayikho indlala eveni lengingake ngikhone ngayo kubhadala nomangumuphi wenu ngaletibusiso tekulunga. Futsi ngitinakile letipho lenginikwe sona, bese-ke kubanguletipho letincane etimvilophini, nemakhadi netintfo. Kuyamangalisa! Kungenta nje ngive njengoba ngifuna kwenta sikhatsi sekubonana, nangibuya ngemnyaka lotako ngitele lusuku lwami lwekalatalwa. [Libandla lishaya tandla.] Ngiyabonga, ngemusa. Hhe! Loko kuhle kakhulu. Ngicalatile; bengingati kutsi loko bekuyini. Futsi impela kuhle, natotonkhe tipho tenu.

⁴ Yinye kuphela intfo lengingayisho. Futsi loku akusiko impela... Yebo-ke, kukusho ngemkhuleko, "Nkulunkulu anibusise." Futsi uma ngingakhoni... futsi Nkulunkulu angangivumeli ngikwente kulokuphila loku, ku—kukhombisa kubonga kwami ngato tonkhe letipho leti letivelala kuwo wonkhe umuntfu. Ngisho nentfombatanyana beyinemvilopho lencane ekhatsi lapho, futsi bekukweshumi kwayo, cishe kwabosheleni labasiphohlongo, ngicabanga kutsi bekungiko. Wangitfumelela kona njengesipho selusuku lwekalatalwa, kweshumi kwakhe. Kuloko, kuletipho letinkhulu lapha, o, Nkulunkulu anibhadale ngalokucebile, bomnaketfu labatsandzekako nabodzadze. Nje ngi... Beningacabangi kutsi ningicabanga kangaka. Impela

bengingacabangi. Ngiyakutsakasela.

⁵ Namuhla, kutsi—kutsi, sikutsetse njengekukhulumisana kabanti njengebangani labatsandzanako, ngiyakholwa, namuhla. Nje, esikhundleni sekushumayela bekukukhuluma nje futsi mhlawumbe ngichaze letinye tetintfo letingabonakala tiyimfihlakalo kakhulu kini emihlanganweni. Kutsi nje kucedza kuphefumula. Nje, bengingakalulindzeli lolunye lusuku lwekalwa namuhla.

⁶ Futsi nje ngingena emnyango, nighlangene nemngani wami lolungile lapha, Art Wilson. Ngiyacabanga bosomabhizinisi labangemaKhristu bonkhe bayamati. Likhaya lakho—lakho lise—Oregon, akunjalo? Noma...[UMnaketfu Wilson utsi, “Reno, eNevada.”—Umhl.] Reno, eNevada. UMnaketfu Art Wilson, ngesekudla sami.

⁷ Lendvodza lelandzelako nguMnumz. Wood. Mnumz. Banks Wood, ngumngani wami namakhelwane. UMnumz. Wood bekasolo ahamba nami. Futsi labanengi benu bantu bayamati, ngekutsengisa tincwadzi emhlanganweni. Lendvodza beyingumakhi lophumelelako impela. Futsi ngalelinye lilanga, ngesikhatsi ngiseLouisville, eKentucky, nginemhlangano; yena lucobo anguFakazi wakaJehova, umkakhe ayiMethodisti. Bebabile ngemhlangano, ngako bavele bashayela betela kutotfolia kutsi bekuliciniso yini.

⁸ Ngalobo busuku, bekunentfombatane leyayitfusa kakhulu, yayikadze ilele tinyanga letinengana, ingakhoni ngisho nekunyakatisa noma nguliphi lilunga, kusukela etingculwini tayo kuya phansi. Dzadze lomncane lotsi akabe, o, intfombi lecishe ineminyaka lelishumi nesihlanu budzala, yavuka yaphuma ngo eluhlakeni lwayo, lapho isaletfwa ngembili, yahamba yonkhe indzawo. Ngelusuku lololandzelako, yachubeka nje. Yabuyela esikolweni etinsukwini letimbalwa; ikahle nje, noko. Netintfo letinengi iNkhosi leyatenta.

⁹ Ngako uMnumz. Wood, anentfo letsite langayenta ye...indlu kucedzela, noma intfo letsite lebekakuyo, bekafanale asheshise futsi ayicedzele; waya eHouston, eTexas, emhlanganweni wami lolandzelako. Lapho, bekeme ekamelwени ngalobo busuku ngesikhatsi iNgelosi yeNkhosi ibonakala, nemakhamera atsebuli sitfombe saleNgelosi, lapho, lesitfombe lenisibonile, cobolwenu, lapha.

¹⁰ Khona-ke, bekanalokunye lokuseceleni kwakhe lokukhulu. Bekenemfana lokhubatekile, nemlente wakhe wawudvонseleke ngaphansi kwakhe. Wase-ke uMnumz. Wood, ngesikhatsi ngibuya...Ngaya ngesheya kwetilwandle, futsi ngale eSweden; ngabuya. Base-ke bafaka lithende ngale, ngikholwa kutsi kwakungilo, eCleveland noma...eCleveland, e-Ohio. NeMnumz. Wood, noko, kusobala esicukwini, alandzela nje, njengalabanengi benu nanamuhla, kodvwa aphokophelele

kuhlala kuze kuphele. Nguleyondlela, indlela yekukwenta. Wase ubeka eceleni umsebenti wakhe wase uletsa lomfana enhla eCleveland.

¹¹ Emvakwebusuku lobumbalwa, lobebusemhlanganweni. Kusobala, angikhumbuli; kuphela nje ngetheyiphu. Bekahleti emuva ethendeni, emuva le, yena nemkakhe. NaMoya loyiNgewe wehla wase utsi, “Lodzadze lohleti emuva lapho nemyeni wakhe, umakhi,” watsi, “yena lucobo unelitfumba. Nemfana wakhe ukhubatekile. Kodvwa, ISHO KANJE INKHOSI, ‘Baphilisiwe.’” Wasukumisa lomfo lomncane. Ungulokahle, lomncane, umlente locondzile, kusukela kuleloawa kuchubeke, uphile saka nje njenganoma ngumuphi umfana.

¹² UMnumz. Wood wayekela kwakha, ukhekhemuka nami. Ngako, umfana wakhe nemfana wami baboshomi labakhulu, ndzawonye. Futsi uphile saka nje njenganoma ngumuphi umfana, ulindzele kuya emasotjeni khona madvute. Ngako iNkhosi ilungile, Ayinjalo na? Futsi igcwele sihawu. Futsi tingakhi tintfo letinkhulu Letentile emkhatsini wetfu!

¹³ Manje, namuhla, manje, kusihlwa, ngicabanga kutsi, ngenca yekutsi... Sitosheshe sicale. Ngifanele ngibeseLouisville, eKentucky, kuyobonana nalomunye ekuseni, ngensimbi yesiphohlongo, futsi ngifanele, ngishayele yonkhe lendlela kuya entasi, kusihlwa, lokucishe kubengema-awa lasiphohlongo noma lalishumi kushayela uyekhona. Ngako, sitofika lapho cishe ngesikhatsi nje kufika kulelesiyobonana naye. Sitosuka ngco kusuka lapha, siye e... siye eLouisville, nangemoto. Futsike sihlose kucala tinkonzo kusenesikhatsi nje, kusihlwa. Futsi siyakutsakasela kupuma kwenu, kusenesikhatsi nje, uma nitsandza. Bangitjela kutsi bengingaba ngembili...

¹⁴ [UMnaketfu Joseph Mattsson-Boze utsi, “Emakhadi atoniketwa ngensimbi yesitfupha.”—Umhl.] Emakhadi atoniketwa ngensimbi yesitfupha, uMnaketfu Joseph sewushito. Futsi nje besi...

¹⁵ Umutfu wetemphi ungahele ulandze Billy masinyane nje, ngako uMnumz. Wood uniketa emakhadi ekukhulekelwa, naBilly uyamphumuta angene. Ngatsi, “Uchuba kanjani, Mnumz. Wood?”

¹⁶ Watsi, “Awusho!” Watsi, “Kukahle, kodvwa,” watsi, “Ngehlele emakhadini lamabili futsi ngaba nebantfu labasitfupha lebekafuna.” Loko yi... Watsi, “Wentani nakungulesosimo ke?”

Ngatsi, “Loko nje lokwentile.” Ngatsi, “Yebo-ke, u...”

¹⁷ Futsi itolo ebusuku, ngesikhatsi ajabule kakhulu, watsi, kubona bantfu le—lebekabanikete emakhadi, beme ngembili, naNkulunkulu abaphilisa futsi abalulamisa. Futsi bekajabule kakhulu ngaloko!

¹⁸ Manje, kusihlwa, atoniketwa ngensimbi yesitfupha, ngoba ngicabanga kutsi ngifanele kuba langembili nasalishumu nesihlanu kushaye yesiphohlongo. Ngikholwa kutsi kunjalo. Bese ke, kute sisheshe siphume kusenesikhatsi, ngenca yalololudze, luhambo lolukhatsatanako lwanamuhla kusihlwa.

¹⁹ Ngako, ngiyabonga, ngekutsi niphume, kulentsambama. Futsi kulelehshako, intsambama lebandzako, kepha noko niyaphuma. Kukhombisa kutsi anikaphumi kutsi nibonwe. Niphumela kutotfolo loko lokuhle lebeningakutfolo kulomhlangano, kuvela kuNkulunkulu. Futsi ngikhulekela kutsi Utonibusisa, ngalokucicimako.

Manje, ikakhulu, akusho kutsi bantfu batofanele babe lapha ngensimbi yesitfupha; nine nje lenifuna emakhadi ekukhulekelwa.

²⁰ Futsi manje kwangatsi iNkhosi ingengeta tibusiso taYo kuko konkhe kubutsana kwetfu ndzawonye. Futsi ngi—ngiyetsema kutsi ngalelinye lilanga, iNkhosi itsandza, masinyane ngibuye eChicago futsi, nekutokhonta iNkhosi.

LiBhayibheli lasho lapha:

Uma akhona munye wakamoya noma umprofethi emkhatsini wenu, Mine iNKHOSI ngitawutatisa kuye ngemibono, . . .

Kwangatsi iNkhosi ingengeta tibusiso taYo eVini laYo. Manje, njengekukhuluma kwebangani labatsandzanako nje. Ngitawu . . .

²¹ Joseph akakwati loku. Kodvwa nje ngitomcela uma atsandza noma, noma ngasiphi sikhatsi lafuna ngaso, angiphathamise ngikhuluma, futsi ashо nomayini. Sibe nengcogciswano nentfo lenjengalena, manje ekuseni, emsakatweni. Nonkhe niyalulalela loluhlelo? [Libandla litsi, “Amen.”—Umhl.]

²² Futsi—futsi ngako-ke, na—namuhla, ngicabangile, mhlawumbe kutsi nje kutfola u—umuvo webantfu, kute nibone loko, kusebenta kwalokungetulu kwemvelo. Futsi nje ngitsi kukhuluma njengebangani labatsandzanako kulomunye, nginifake ngekhatsi kwaLoku, ngenabe nje ngangoba ngingakhona. Futsi angikaze . . . Letinengi taletintfo leti lenginato enhlitiyweni yami kutsi ngitisho, angikaze ngitisho etetsamelini phambilini, emphilweni yami. Ngako kwangatsi Angengeta tibusiso taKhe kuloko lesikushoko.

²³ Intfo yekucala lesifuna kukhuluma ngayo kutsi: *Uyini UMbono?* Bewungaba yini vele? Labanye, bantfu labanengi kakhulu . . .

Angisho kutsi, njengoba uMnaketfu Billy Graham atsi, “Ngiphendyula bagceki bami.” Ngibonga kakhulu kutsi nginebagceki labambilwa kakhulu. Cishe wonkhe umuntfu . . .

²⁴ Labanye babo labangakaze babe semhlanganweni, bangahle batsi, “O, yebo-ke, akukho lutfo kuloko.” Kodvwa uma uke waba semhlanganweni, cishe impela uhlala njalo akucatulula, uma Jesu abamba inhlitiyo yabo, futsi bayabona-ke kutsi ku-kuliciniso.

²⁵ Umbono u-u nje... Bantfu labanengi bayangibuta, “Mnaketfu Branham, ngabe ngulongakuphatsa ngetandla lolokubukako? Noma, ngabe nje kungcivitelwe engcondyweweni na? Noma, kuyini vele?” Cha. Kuyaphatseka. Kungiko sibili nje njengoba ngibuka khona manje.

²⁶ Futsi manje, kutsi loko kwenteka kanjani, kwentiwa ngumusa lobusako waNkulunkulu. Futsi ngesikhatsi luswane nje, ngesikhatsi ngicala kutalwa, make wami ungitjela kutsi lokuKhanya kwangena futsi kwalenga etikwembhedze lomncane lengatalelwa kuwo. Futsi-ke, kusukela ngisakhumbula, letotintfo tentekile embikwami.

²⁷ Nje, kuvele kuvuleke. Kubonakala kwangatsi nje ayikho indlela lengingakuchaza ngayo sibili; kodvwa, kutfola nje lokuhle kwendlula konkhe lengingakwenta: kutinikela nje kuMoya loyiNgewe. Futsi kucala nje, futsi nako embikwakho. Uyativeda kutsi ume lapha, kepha noko usemuva le eminyakemi lengemashumi lamane emuva emphilweni yalomuny’umuntfu, ubukela labakwentako. Bese-ke, intfo kuphela lengiyishoko, nguloko lengikubukako nje.

²⁸ Futsi-ke uma sengitsi kubuya kimi lucobo, ngiyacondza kutsi ngishito lokutsite, kodvwa tikhatsi letinengi angati kutsi ngitsiteni. Futsi indlela lengikutfola ngayo, ngulabafana laba, bona bahleti phansi lapha, lalabarekhoda lamatheyiphi, bangidlalela yona. Futsi ngikutfola kanjalo-ke. Ngako, akukho kimi lucobo, nhlobo.

²⁹ Futsi-ke loko-loko kuniketelwa inhoso yinye-yinye. Manje, ngiyacabanga, futsi ngisho loku kusuka enhlitiywemi yami, kutsi simo lesikhulu kwendlula tonkhe nalesiphakeme kunato tonkhe lesikhona saNkulunkulu kuniketa uMlayeto waKhe kubantu baKhe, kukwebantu kutsi bakholwe Livi laKhe. Kunjalo. Leso simo lesiphakeme kunato tonkhe. Kushumayela liVangeli kusimo lesiphakeme kunato tonkhe. Khona-ke, uma nicaphela, liBhayibheli likubeka ngaleyondlela. “Kucala baphostoli, umprofethi wesibili,” nakanjalonjalo, bese-ke kwehla njalo, kwehle njalo, bese kungena etiphiwemi takamoya letiyimfica tisebenta kuwo wonkhe umtimba wendzawo.

³⁰ Manje, tinkonzo tami eMerica atikabi tinhle kakhulu njengoba betifanele tibe njalo, eMerica. Tinkonzo tami tinemandla kakhulu kakhulu, eNkhosini, ngesheya kwetilwandle. Babutsana kuto kancono. Manje, angati kutsi kungani. Manje, angikhulumi ngani ninebantu. Cha.

Ngikhuluma ngesive nje sonkhe, niyabona, ndzawo tonkhe, njengeChicago, kuyo yonkhe, besingasho njalo; nomā-nomā, eThekwini, eNingizimu Africa, kuyo yonkhe, niyabona, intfo lefana naleyo; nomā, iMexico City, yonkhe. Yebo-ke, batosabela kuko, emaphesenti langemashumi lasiphohlongo ngetulu kwaloko labakwenta eMerica.

³¹ Manje, loko emaMerica lasabela kuko kancono, tinkonzo tekuphilisa, ngembono wami, kutsi, yebo-ke, teMnaketfu Oral Roberts. Manje, uMnaketfu Oral Roberts usikhulumi lesinemfutfo, umshumayeli sibili, nemnaketfu lolungile lowesaba Nkulunkulu, umnaketfu, Oral Roberts; nemngani wami lomkhulu, umnaketfu lotsandzekako. Futsi nginalokukhulu, kumhlonipha lokujulile uMnaketfu Roberts. NeNkholi inaye futsi iyambusisa, kakhulu impela, nemihlangano yakhe lapha eMerica. U...

³² Sobabili singaya edolobheni lelitsite, naye abeke inkonzo yakhe, nami ngibeke yami inkonzo. Tetsameli takhe titobangetulu kwetami, ngemanani lamanengi, ngesikhangiso nje lesincane, ngoba inkonzo yakhe inemandla lamakhulu kakhulu lapha eMerica, ngoba usi—si—sikhulumi lesinemtselela. Uyi... Futsi une—nendlela. Ukhaliphile futsi ufundzile, futsi uyalati liBhayibheli. Futsi angaletfu ngendlela yekutsi bantfu labafundzile bakulalele loko, ngoba loko kusezingeni bona laba—labaphila kulo.

³³ Kodvwa sitsatse, ngesikhatsi siya e-Africa, yebo-ke, kwakungekho kucatsanisa, nhlobo. Niyabona na? Nebantu longakafundzi, kanjalonjalo, bafuna lokungetulu kwemvelo, ngoba bete loku, imfundvo ne... bafundziswe ngekxesikolwa njengalabantfu laba lapha. Ngako-ke i... Kuyintfo leniketwe yiNkholi, kuzuza bantfu ngayo.

³⁴ Manje, angikacondzi kusho kutsi... Labanengi labafundzile, labakhophile, labahlakaniphile, labanye balabaphakeme kunabo bonkhe, ngisho nasemakhosini, emakhosi lanemandla, emakhosi ebukhosini, impela, bayakukholwa futsi bakwemukele.

³⁵ Kodvwa ekuhambeni lokwejwayelekile, emabandla etfu aseMerica, sekube sikhatsi lesidze sibe nemvuselelo, kusukela emuva le emnyakeni waWesley. Titukulwane letindzala tafa taphela. Kantsi, bantfu bakaWesley bebavamise kukhahlewa bakhishwe futsi babitwa nge “bagiciki labangcwele” ne “badlukuti,” ngoba badlukutisa inhloko yabo, futsi—futsi balale e... langembili nakuyo yonkhe indzawo, etikhalemi tetitulo. Batsela emanti etikwabo bese babashayisa ngemoya, ngesikhatsi Moya loNgcwele abesetikwabo. Manje, lolosuku seluphelile, kadzeni.

³⁶ Sonkhe sihleti phansi kutsi, o, sigcwele uMtsetfo kakhulu. Kodvwa ngulesosizatfu bangakhoni. Bantfu namuhla

bayafundziswa, yebo-ke, si—sikhulumi lesingakwetfula nge—ngendlela yengcweti. Yebo-ke, loko nje kulungile. Loko kukahle futsi kuhle kakhulu. Futsi kuphela nje uma wemukela Khristu, leyo yi—leyo yintfo lemcosa, kuphela nje uma wemukela Khristu.

³⁷ Manje, siyacaphela uMnaketfu Roberts wetfu. Niluvile luhlelo lwakhe manje ekuseni, mhlawumbe. Futsi ngifundze tindzatjana ephepheni, futsi ngatitfola kucala. Kusukela ekutseni kungani... Nasentasi e-Australia, intfo lembi kanje pho, bona bahhalatisa, bambita nge “mkhohlisi” nayo yonkhe intfo, futsi bamcosha kanjalo. Lapho, mhlawumbe i... loluhlobo lwenkonzo lwaluyovala leyontfo, khona manje. Niyabona na? Niyabona na? Kwakuyokwehluka. Futsi, kodvwa, uMnaketfu Roberts, noko, Nkulunkulu umnikete indlela yekusebenta nebantfu lengingakhoni kubatsintsia. Futsi mhlawumbe ngisebenta nebantfu langeke akhone kubatsintsia. Kodvwa, ndzawonye, sibomnaketfu setama kwenta loko lesingakwentela uMbuso waNkulunkulu. Niyabona na?

³⁸ Nalemibono iyincenyne nje yeliVangeli lelishunyayelwako. Manje, niyabona, kube benginemfundvo futsi mhlawumbe ngingeliphimbo lelihle, nakanjalonjalo, futsi bengingaletfula liVangeli, njengekutsi, mhlawumbe bengiyoba ngu—ngumshumayeli walolohlobo. Kodvwa, Nkulunkulu ati kutsi bengingeke ngibesifundziswa, Wadzingeka anginike lenye intfo kutsi ngisebente ngayo, niyabona. Futsi nguleyondlela Lakwenta ngayo, intfo lekuphela lengiyatiko.

³⁹ Manje, ungahle umangale kutsi kwentekani langembili. Uma si—si—sigulane noma... Beningeke ngikusho ngaleyondlela. Loko kulitemu lelikhulu kakhulu kutemitsi yekwelapha. Asengitsi, uma umngani eme embikwami, afuna lusito, naku lokwentekako. Angikaphatselani ngalutfo naloko, akukho nayinye intfo. Kunguleso sigulane lucobo ngekwaso sisebentisa lesosiphiwo sebuNkulunkulu. Angikaphatselani ngalutfo nako, nhlobo. Ngisolo ngitinikela nje, ngitinikela, uze umoya wabo naloMoya losetikwami, lengitinikele kuwo, aze Moya loyiNgewe... .

⁴⁰ Ngitokubita ngaloku, ngikwente ngalendlela, njalo, kute nitocondza. Nangu Moya loyiNgewe etulu *lapha*, bese—ke ngichubeka nje nekutinikela kuYe, ngize ngati kutsi U—Ulapho. Futsi ngikhuluma nalomuntfu ngize ngitfole kunaka kwabo. Kute kube ngulesosikhatsi, angati lutfo lolunye. Futsi Moya loyiNgewe, ngamoya wami utinikele, ungikhombisa imphilo yabo. Futsi uma loko kwenteka, loko kwakha kukholwa kwalesigulane, kukhulele etulu endzaweni lenjena.

⁴¹ Futsi tikhatsi letinengi, ke, ngicala kusho lenye intfo letsite, futsi Angimise atsi, “ISHO KANJE INKHOSI.” Manje kubukisiseni loko. Loko kuphelele, sikhatsi ngasinye. Akuzange

kwehluleke. Kutobatjela nje kutsi yini lelungiselela kwenteka. Futsi kutoba ngaleyondlela. Kumake phansi, futsi ubone kutsi akusiko yini ngaleyondlela.

Manje, loko, lesigulane senta loko.

⁴² Manje ngingahle nginikete loku nje esimeni selfundza, kute nitocondza. Asengitsi, lapho, kunalomkhulukati... Sonkhe sibafana labancane nemantfombatane, futsi sisentasi e... emuva esikhatsini sebufana. Futsi kunafenisi lomkhulukati nje lapha. Kuneselekisi langekhatsi. Futsi kwentekile nga—nga—ngaba mudze kunawe. Mhlawumbe unemandla kunami, kodvwa ngimudze. Niyabona na? Nkulunkulu wenta bantu ngetindlela letehlukene abentelemisebenti leyehlukene. Yebo-ke, ke, etulu *lapha*, cishe nje lapho ngingakhona kuhlola khona, kunembobo elubondzeni. Yebo-ke, manje, ngingabamba sicongo, ngoba ngifinyelela etulu kancane, futsi ngingadvonsa, ngemino yami, futsi ngibuke ngalembobo. Ngibuye futsi nginitjela lengikubonile. Niyawutfola lomcondvo manje? Niyangilandzela mosi?

Manje, manje, mhlawumbe lendvodza lelandzelako, icine kakhulu, kodvwa ayikhoni kubona lokudze kangako. Ngako itawutsi, “Mnaketfu Branham, ubonani?”

⁴³ Ngitawutsi, “Awume kancane nje.” Futsi ngitogcumela etulu, etulu mbamba, futsi ngibambe imino yami ngale ekugcineni, futsi ngitudvonse, kamatima. Futsi ngitawutsi, “Ngi—ngi—ngibona indlovu.” Bese ngiyehla. Niyabona na? Kuyakhatsata, ngoba ngiyantontomela. Ngisho loku njengemfanekiso kute nitociniseka kutsi nicondze.

Manje, uma sengibuya phansi, “Uboneni ke?”

“Indlovu.” Niyabona? Kulungile.

⁴⁴ Manje, loko kunjengemunfu lome langembili, asebentisa lesiphiwo sebuNkulunkulu, njengoba kubumatima, ngoba lomunfu cobolwakhe usebentisa lesopiph. Abeva lutfo ngaso, kodvwa bayasisebentisa, bona lucobo.

⁴⁵ Manje, ngitjeliwe itolo ebusuku kutsi bekukhona indvodza leme langembili. UMnaketfu Joseph ungitjelile, emvakwekuba sekahlangene nami, kutsi lendvodza beyi... Ngi... Kwekucala, ngesikhatsi yenyuka, futsi bengicabanga kutsi isihhulu nesimungulu. Ngatsi, “Sawubona, mnumzane?” Intfo letsi ayifane naloko. Ngingahle ngingakucaphuni kahle. Ngitsatsa loko labangitjele kona. Angikaze ngiyive letheyiphu noko. Futsi watsi lendvodza ime lapho nje. Ngatsi, “Yebo-ke, mhlawumbe isihhulu nesimungulu.”

⁴⁶ Futsi manje bukisisani umusa lobusako. Niyabona na? Loko kunjengeluhlanya langembili. Loko kunjengadokotela longumtsakatsi e-Africa, eme lapho nematsambo eminweni yakhe, kukunika insayeya, uyabona. Umusa uyabambelela

ke. Awudzingi kutsi ukhatsateke. Ungakwenti. Akukho kukhatsateka ngako. Umusa uyabambelela. Nkulunkulu utsatsa lapho ungeke wakhona khona kubambelela. Futsi-ke ngesikhatsi lendvodza ime lapho. Ngaphambi...Nga—ngatsi, “Yebo-ke, mhlawumbe isihhulu nesimungulu.” Futsi khona masinyane nje, kwabakhona umbono embikwami. Khona-ke...

⁴⁷ [Liwashi lemnaketfu Branham likhala i-alamu—Umhl.] Manje, ngiyacolisa ngalelowashi lelikhalako. Loko bekukwekutfolo...kuta lapha futsi ngicale khona. Ngako, ngatite kutsi ukubambile loku. Nginike liwashi ngalapho, lelikhalako. Ngako, loko kusengakabi sikhatsi sekuma kwamanje, ngiyetsema. Ngako ekhatsi...Ngitokuva ngaloku; ungakhatsateki.

⁴⁸ Ngako, ke, lendvodza ime lapho. Lombono, mine ngekushesha, mhlawumbe, ngabona iFinland noma lokutsite. Angikhumbuli. Kodvwa manje, nomangabe kwakuyini, batsi ngimtjele kutsi bekawaseFinland. Futsi uyasiphukuta, lenye intfo letsite, mhlawumbe bekawaseFinland. Yebo-ke, Joseph lapha, watsi bekanga...Loko bekuyingcayizivele kuye, kutsi Bekabati kanjani buve balendvodza. Nkulunkulu emseni waKhe ukukhombisile loko.

[UMnaketfu Joseph Mattsson-Boze ukhulumanaMnaketfu Branham mayelana nalomnaketfu waseFinland lowaphiliswa—Umhl.]

⁴⁹ Ngiyatibuta nje kutsi kungake kwenteke yini kutsi lendvodza ingaba lakulesakhiwo namuhla, futsi uma lotsite ahleti edvute naye, loko bekungatsi nje ku... uma bebangakhuluma lulwimi lwaseFinland, bebanga—bebangabona...Uma loko kunjalo, ungasiphakamisa sandla sakho? uma lendvodza ikulesakhiwo, namuhla, indvodza yaseFinland lebeyilapha itolo ebusuku, besikhuluma ngayo, lebeyilapha ngembili. Bengifuna nje—ngifuna...

⁵⁰ [UMnaketfu Joseph Mattsson-Boze uyachubeka nekukhuluma neMnaketfu Branham mayelana nalomnaketfu waseFinland lophilisiwe—Umhl.] Yebo-ke, loko, ngiyacabanga ubuyele emuva, mhlawumbe, ekhaya lakhe.

⁵¹ Manje, manje, ngesikhatsi Jesu alapha emhlabeni, ne... BekanguMlomo waNkulunkulu logcotjiwe. Niyakukholwa loko? Bekayi—yiNdvodzana yaNkulunkulu letelwe yodvwa. NaNkulunkulu bekakuKhristu, enta kutsi live libuyisane naYe lucobo, ngaphandle kwesilinganiso. Uyakukholwa loko, mfundzi weliBhayibheli? Bekangu-Emanuweli. Akukho namunye wetfu loyoke efike kuleyondzawo. Cha. Cha. BekayiNdvodzana yaNkulunkulu lengcwele letelwe yintfombi ntfo, futsi asiyuze sibe ngiyo. Singeke size sikhone kwenta letintfo, letikanjalo, ngoba BekanguLoko.

⁵² Kodvwa manje Wetsembisa kutsi letintfo Latenta natsi siyotenta futsi, ngoba sasitoba bantfwana lababekiwe kuNkulunkulu, ngaYe. Ngabe kunjalo na? Manje, loko akusiko... Loko kwetfu sonkhe. Lonkhe likholwa liba ngemadvodzana nemadvodzakati aNkulunkulu. Ngabe kunjalo na?

⁵³ Manje, ngesikhatsi lowesifazane lonemopho atsintsia sembatfo saKhe, loko kwakufana nje nekuhlola emgodzini. Niyabona na? Weva emandla aphuma kuYe. Waba—Wababutsakatsaka, kodvwa Bekangati kutsi kwentekeni. Lomunye bekaMtsintsile, nge—ngekukholwa. Futsi Wabuta kutsi kwakungubani, futsi wonkhe umuntfu wakuphika. Ngako-ke kwentekani emvakwekuba Sekente loko, ngani, Wacalata Waze watfola. Manje, kune...

⁵⁴ Wamati kanjani na? Ngulowo umbuto lengifuna kuwufinyelelisa kini. Wamati kanjani Yena? Manje ake ngitame, ne... njengemnakenu, kuchaza loku, kutsi Bekamati kanjani.

⁵⁵ Ngoba, uma noma ngubani ente loko, ngingasho kulomhlangano lapha, ekusebenteni kwaMoya loyiNgewe. Uma nomangubani abusisiwe, kubonakala kwangatsi nje kuyintfo letsite lekudvonsako, *kanjalo*, niyabona, futsi ufika kulomuntfu. Bese-ke, ngetulu nje kwalomuntfu, niyababona nalokwentekile kubo, nalokungalungi kubo. Bese-ke uyabuka, futsi uyabona kutsi ngumuntfu lofanako, futsi nje njenge—ngemgwaco lonetihlahla emaceleni noma umgudvu losebenta emkhatsini wakho nemuntfu.

⁵⁶ Ngicabanga kanjalo-ke. Akazange akuchaze. Ngicabanga kanjalo-ke kutsi Bekakwati. Ngoba, uMoya loyiNgewe usebenta ngendlela lefanako, nguleyondlela lekuondvwa ngayo.

⁵⁷ Asitsi, njengekutsi ngaletinye tikhatsi utsi, “Lodzadze lohleti lapho, lofake sigcoko lesiluhlata,” noma intfo lefana naleyo, “bewuphetfw *kutsi-nekutsi*. Uvela endzaweni *letsite*.” Ulalele loko. Niyabona na? Usembonweni ngco, ubuka kutsi kwentekani. Futsi-ke mhlawumbe uyambona agcuma abuya, futsi kukhanya ngakuye, nayoyonkhe intfo. Ngani, bese-ke utsi, “Ngani, sewuphilisiwe. Ngu ISHO KANJE INKHOSI.” Niyabona na? LeNkhosi Lekhombisa umbono, kukholwa kwakho nje kuYo, ise bentisa mine njengemlomo wayo kutsi isho kuwe loko lofisa Yena akutjele kona. Niyabona kutsi ngichazani? Manje, kodvwa uma kungulolokunye... Manje, leyo yindlela levumelako yaNkulunkulu, ise bentisa.

⁵⁸ Ngisho loku ngenhlonipho yekutitfoba. Li-awa selisondzele edvute, uma ngi... emvakwekuba senginitjele kutsi lombono iNkhosi lengikhombise wona, kutsi loku ekugcineni kutobuyela emuva, kuvulele indlela intfo letsite lengale kwako. Futsi nguloko lengifuna kufinyelelaka kuko, kulentsambama.

⁵⁹ Manje, umuntfu enta loko, uto—uto, uma batokukholwa, batobusiswa futsi batolulama. Manje, akusiko kutsi baphiliswa; kodvwa kukholwa kwabo kwatsintsia Nkulunkulu futsi bemukela kuphiliswa kwabo lebesevele balungiselelwa kona, eminyakeni lengemakhulu lalishumi nemfica leyendlula. Niyabona na? Akusiko kutsi loko bekuphat selene nekuphiliswa kwabo. Bekungumlomo nje, kukhuluma.

⁶⁰ Kwenteka kanjani nomanguyiphi indzawo eBhayibhelini? Tsine asi... Angitifananisi nemprofethi. Cha, mnumzane. Cha. Ngisoni nje tatane lesisindziswe ngemusa. Kodvwa lesiphiwo iNkhosi lesinike baprofethi, futsi yabenta baprofethi, bebangumlomo waNkulunkulu. BebaneLivi leNkhosi. Futsi akukho mprofethi lowake wenta nomayini ngesifiso sakhe lucobo nje. Wakwenta, kucala, emvakwekuba Nkulunkulu sekamtjelile. Kunjalo.

⁶¹ Futsi nguleyondlela iNdvodzana yaNkulunkulu, ngesikhatsi Ifika, lokwakunguNkulunkulu wemprofethi. Watsi, “Ngenta kuhela njengoba Babe angikhombisa kutsi Ngente.” Kunjalo. Kufanele kute kuhela ngemandla ebuNkulunkulu, kwembula ngenyama. NaKhristu bekanguMlomo waNkulunkulu emhlabeni. Wonkhe umuntfu uyakucondza loko?

⁶² Manje, sibonelo nje, ngaletinye tikhatsi, ngitoba sekhaya. Gene, Leo kanye nabo lebengikhuluma ngabo itolo ebusuku, bahleti phansi lapha, UMnaketfu Beeler nalabanengi babo bonkhe labanye, nalabo labangatiko. Ekhaya, ngitohamba ngidzabule endlini, ngingacabangi ngalutfo. Mhlawumbe nglahale phansi ekamelweni, futsi nako kutofika umbono. Futsi mhlawumbe uthhlala uthule dvu sikhashana nje. Futsi utotsi...

⁶³ Utotsi, “Manje, utoshayelwa lucingo emizuzwaneni lembalwa, elucingweni, futsi utokuya kulelidolobha *leli*. Futsi uma uya kulelidolobha *leli*, utokuya endzaweni *letsite*. Kutoba ngalendlela. Futsi utongena ekamelweni, futsi utobeka sigcoko sakho phansi. Noma, lodzadze utobeka sigcoko sakho embhedzeni, kodvwa asikafaneli kuhlala lapho. Sifanele sibekwe etafuleni, nalomunye dzadze utongena ngalendlela.”

⁶⁴ Utokubona konkhe kwenteka nje nciamashi ngendlela lokufanele kwentiwe ngayo. Futsi uma ngehluleka kuletinye taletotintfo, kungeke kwenteke. Kufanele kube ngiko impela nje kulumzuzu nesikhatsi, nayoyonkhe intfo ngekwendzawo lenguyona yona ngalokufanako, ngoba kungumbono. Ku—kufanele kwentiwe kuphatseke ngalokuphelele. Futsi-ke uma kwenteka, kutofanele kwenteke. Akukaze kwehluleke. Manje, loko kungesikhatsi Nkulunkulu asebentisa siphо saKhe. Loko akungenti ngibe butsakatsaka. Loko akungihluphi.

⁶⁵ Manje, ngesikhatsi Jesu avusa Lazaru ethuneni, kwaku ngummangaliso kakhu lu kinaloko lowesifazane lebekangiko lowatsintsia sembatfo saKhe futsi waphiliswa ngenkinga

yeckopha. Niyakuvuma loko na? Akazange asho nalelilodvwa livi ngekuphela emandla, nemandla aphuma kuYe, ngoba Nkulunkulu bekasebentisa siphо saKhe. Niyabona na? Ngulolohlobo lwembono. Ngulolohlobo lwembono.

⁶⁶ Kodvwa uma bantfu basebentisa siphо saNkulunkulu, nalokungenta ngiphele emandla kangaka, langembili, nguwe lucobo. Nguloko lokukwentako. Wena nguwe cobolwakho lowenta lomsebenti, usebentisa, kungalesosizatfu kudvonsana. Kusekhatsi kwekutsi usebentisa siphо saNkulunkulu, noma Nkulunkulu usebentisa siphо saKhe.

Manje, ngekucatsanisa, ngingatsi... Uma bewungibutile, “Yini lesekhatsti lapho?”

“Yebo-ke, yindlulamitsi.”

“Yini lenye loyibonile? Yini i...?” Uyakhatsala, niyabona, ngulenye intfo loyibonako.

⁶⁷ Kodvwa manje uma Nkulunkulu afuna wati kutsi kwentekani, Uvele akucukule nje futsi akuphakamisele ngetulu kwayo yonkhe lentfo, futsi watsi, “Nali liselekisi lonkhe. Niyabona na? Lesi sitfombe sonkhe. Utokwenta *loku*, futsi wente *loku*, futsi wente *loku*, *nalokwa*.” Aphindze akubeke phansi. Sewukuphakamisile, nemikhono yaKhe yaphakadze futsi neluphiko. Futsi akukho lutfo eveni... Ubuye wehle, uva kwangatsi ungamemeta kuncoba. Kodvwa nguloko-ke.

⁶⁸ Manje, bantfu labanengi, bacabanga kutsi umuntfu lobona imibono ufanele abe ngulo nebuNkulunkulu. Cha, mnumzane, akunjalo nhlobo. Cha, mnumzane. Kute namunye lone buNkulunkulu ngaphandle kwaNkulunkulu. Nguloko kuphela. Futsi kute namunye... Kute umehluko kunoma ngubani wetfu. Sonkhe sitoni, lesisindziswe ngemusa. Futsi lomunye akekho ngetulu kwalomunye. Nje, lomunye unikwa lokutsite, futsi utofanele aphendvule ngaloko lakwentile ngalelothalenta lanikwe lona. Kunjalo. Wonkhe umuntfu utofanele aphendvule ngaloko.

⁶⁹ Manje, ngingahle nginitjele umbono losandza kwenteka nje. Futsi ngako loko... UMnaketfu Joseph ungcicelile kutsi ngente loko, kute bantfu lolapha kulesakhiwo labangakhoni kutfola le-lendzaba kuliphephabuku, bangacondza. Ngenta... Ngesikhatsi ngicala kuba yi—yinceku yeNkhosi, kuhkulekela bantfwana baYo labagulako, niyayati lendzaba, kutsi Wangitjela kanjani kutsi ngatalelwa kuhkulekela bantfu labagulako.

⁷⁰ Manje, wena utsi, “O, ngikuvile loko tikhatsi letinengi, lapho, kwebantfu labehlukene.” Loko kulungile. Niyabona na? Loko, bona, a—angikwati kuphendvulela lomunye umuntfu. Ngifanele ngitiphendvulele ngekwami, nawe ufanele utiphendvulele ngekwakho. Manje loko kuliciniso.

⁷¹ Futsi-ke ngesikhatsi Angitjela loko, ngati kutsi kwakukhona, kulenkonzo, kutofanele kubenetintfo letinengi leticaphelwako; imali, lokunye kwako. Yebo-ke, ngenta setsembiso Nkulunkulu, kutsi ngingeke ngiyitsatse imali yebantfu. Futsi ngaMcela...Bengingayifuni imali yebantfu, kodvwa bengati, kuloko, bekuyoba nencumbi yemali lenginikwa yona, futsi ngiyodzingeka ngiyale. Ngako, ngaMtjela, kuperhela nje uma Angaphumelelisa tindlela tami, kute ngingaceli imali, ngiyohlala ensimini kuperhela nje uma Angiphumelelisa. Kodvwa ngesikhatsi Efika kutsi Angente ngehluleke, lapho kutodzingeka kutsi sicele khona, noma sitsatse ema-awa, noma ngabe bentani kutsatsa iminikelo, njengoba ngangikubonile sikhatsi lesinengi ebandleni lami lelihlelo lebengisontsa kulo ngalesosikhatsi, ngase ngitsi ngi-ngitophuma ensimini. Wangibusisa cishe iminyaka leyimfica. Kodvwa eCalifornia ku...

⁷² Inkonzo yami, kwakubukeka kwangatsi, yacala kushona phansi, ngandlela tsite. Liposi lahhohloka. Kwakubukeka kwangatsi bantfu beba ngasakhatsaleli. "Yebo-ke," ngacabanga, "Nkulunkulu, konkhe loko kusesandleni saKho." Lapho, ngangivamise kutfola cishe tincwadzi leti yinkhulungwane ngelilanga, noma intfo lefana naleyo, futsi sibe sentasi lapho, tatehla tiyoba ngemakhulu lasitfupha, tase tiba ngemakhulu lasihlanu, tase-ke tehlela emakhulwini lamane, emakhulu lamatsatfu, likhulu, kuya emashumini lasikhombisa nesihlanu, ndzawanatsite. Tehlela cishe phansi kanjalo, ngelusuku, tincwadzi letingemashumi lasikhombisa nesihlanu ngelilanga, mhlawumbe.

⁷³ Yebo-ke, ngacabanga, "Yebo-ke, ngiyatibuta kutsi kwentekeni? Angati njengoba ngente noma yini. Uma ngifanele ngi-ngi, ngebantfu, ngani, mine—mine ngi—ngiyacolisa." Kusobala, ngacabanga, "Yebo-ke, angina...Angitsengisi tintfo. Futsi intfo kuperhela bantfu labangibhalela yona kutsi batfole tindvwangu temkhuleko. Futsi asitisengisi. Siyabapha toni. Ngako, yebo-ke, Nkhosi, mhlawumbe Ulungiselela kuntjintja tintfo."

⁷⁴ Ngaya eCalifornia, ngangena cishe—cishe ngemadola latinkhulungwane letilishumi nesihlanu esikweletini, emhlanganweni. Futsi ngalobo busuku, ngesikhatsi ngisuka, ngacela Billy kutsi angitjele. Nebantfu labatsandzekako lebebawusekela ngetimali, bawubuhadalela konkhe, futsi bekukahle, kahle kakhulu. Kodvwa leso kwakungesiso lesetsembiso. Ngetsembisa Nkulunkulu loko lebengitokwenta.

⁷⁵ Futsi ngesikhatsi umnaketfu lotsandzekako angiyisa ekhaya ngalobo busuku, ngephandle endlwaneni lencane yetingodvo lapho ngangihlala khona, ngaphumela entsaben, kimi lucobo, cishe ngensimbi yesibili ekuseni. Futsi sasitosuka lapha igabence yesine. Futsi ngakhuleka, nenyeti ikhanyisa phansi, ikhanya. Sengiyayibona nje. Kwakulikwindla lelendlulile.

Ngatsi, "Babe loseZulwini, manje ngi—ngiyashiya ensimini. Ngiya ekhaya. Futsi nomayini Lofuna ngiyente kusukela emvakwaloku, vele nje Ukwembule kimi."

⁷⁶ Futsi ngako angikhonanga kutjela Billy nabo. Ngangingafuni kubatjela, ngangingafuni kutjela umkami. Kodvwa, "O," ngatsi, "Ngitobatjela uma ngifika e-Arizona." Yebo-ke, ngase ngitsi, "Ngitolindza ngite ngifike esifundzeni lesihle lesidzala saseTexas, lapho make wami avela khona." Ngatsi, "Ngitobatjela lapho." Ngase-ke ngifika lapho. Ngabatjela nangingena eJeffersonville, e-Indiana.

Yebo-ke, Billy, watsi, "Babe, kuncono ucaphela kuloko lokwentako." Watsi, "Alisho yini liBhayibheli kutsi, 'Maye kimi uma nginga lishumayeli liVangeli na?'"

⁷⁷ Ngatsi, "Angikaze ngisho lutfo ngekushumayela liVangeli. Ngiconde inkonzo yekuvangela." Ngase ngitsi, "Buka, Billy," ngatsi, "Nkulunkulu unemadvodza ensimini, yonkhe indzawo. Akangidzingi mine ngephandle lapho. Ngingabuyela emuva futsi ngitfole umsebenti wami futsi, futsi—futsi ngihambe ngiyobangumfundisi, futsi ngibengumfundisi etabernakeli, noma lokutsite. Ngingahle ngehle, ngicashe lihhola entasi lapho, ngibe nembutzano wangeliSontfo ntsambama wemave ngemave, nekusakata noma lokutsite." Ngatsi, "Ngingeke ngema, khona masinyane manje, ngoba tindleko tami tigijima cishe likhulu lemadola ngelilanga, ekhaya. Ngako, ngingeke, ngelihovisi lami netintfo." Ngatsi, "Ngingeke nje ngathula, ngoba ngingeke ngikhone kukwenta."

Futsi ngako umkami watsi, "Billy, ngiyetsema uyati kutsi ukhuluma ngani."

Ngatsi, "Yebo-ke, manje, nga—ngati intfo yinye."

⁷⁸ Uma ngita lapha ngalesinye sikhatsi engcungcutheleni, ngitele ingcungcuthela, futsi niyayati lendzaba, ngoba ngetsembise lomngani wami lomncane lotsandzekako waseSweden lapha, uMnaketfu Boze, kutsi ngiyofika futsi ngimshumayele tinsuku letimbili, ePhiladelphia Church, emvakwekuba leyongcungcuthela seyiphelile. Futsi ngatjelwa, uma ngingakwentanga; uma ngikwentile loko, bengingeke ngibe sikhulumi. Beningatsatsa kutikhetsela kwami. Ngatsi, "Ngitohlala nelivi lami." Futsi ngaya kuMnaketfu Joseph. Impela. Ngoba, ngiyakwenta futsi. Umuntfu longeke aligcine livi lakhe akasikahle kakhulu.

⁷⁹ Nguleyondlela lengitsatsa ngayo Nkulunkulu. Uniketa Livi, futsi ngikhholwa lonkhe Livi laLo. Futsi uma Bekangeke aLigcine, Bekungeke kube nguNkulunkulu, kimi. Ngi... Utofanele aligcine Livi laKhe, ngiyakholwa. Futsi Utokwenta, futsi ngiyati Utokwenta. Manje, khona-ke ngi...

⁸⁰ Ngalobo busuku, ngaya embhedzeni nasifika ekhaya. Umkami bekakhala. Watsi, "Billy, ngiyesaba kutsi wenta

liphutsa.” Watsi, “Uyati ngifuna kutsi ube sekhaya nalabokhewana nami. Kodvwa,” watsi, “Bill, buka kutsi kwenteni. Sekucale imvuselelo yemhlaba wonkhe, futsi angiboni lapho Nkulunkulu angakuletsa khona, uphume ensimini.”

Ngase ngitsi, “Yebo-ke, ngaMetsembisa. Watsi . . .”

“Kodvwa—kodvwa—kodvwa Akazange akutjele.”

⁸¹ Ngatsi, “Kodvwa, ngaMetsembisa. Uyabona? Nguloko-ke. NgaMetsembisa. Ngitoligcina livi lami kuYe. Uma ngitoligcina kubazalwane bami, impela ngitoligcina kuMsindzisi wami.” Ngako ngangena ngalala kahle kakhulu ebusuku.

⁸² Ngekusa lokulandzelako, cishe ngensimbi yesitfupha nco, savuka. Futsi—futsi nje ngiphuma embhedzeni. Beka ngakulololunye luhlangotsi. Ngangihlikihla buso bami nje, kanjena. Ngatsi, “Yebo-ke, ngitoshayela iNkapane yeteMisebenti yeSive namuhla, futsi ngibute kutsi ngingawutfola yini umsebenti wami lomdzala ubuye futsi.” Futsi ngatsi, “Uma banganganiki umsebenti wami, uMnumz. Wood unguvakhi, ngitohamba naye nje. Futsi yena nami sitophuma futsi sishaye takhiwo, noma lokutsite. Futsi ngifanele ngisebente, ngoba ngifanele ngihambe ngiyosebenta. Futsi ngako, ngoba lemali ifanele kuhlangabetwane nayo, futsi senginemadola latinkhulungwane letilishumi nesihlanu esikweletini.” Ngatsi, “Pho-ke ngingentanjani na? Ngifanele ngikubhadale loko, akunandzaba noma bakubite kancane, ngi—ngitokubhadala. Kunjalo.”

Futsi ngako watsi, “Utoshayela uMnumz.—Mnumz. Bar, manje ekuseni?”

⁸³ Ngatsi, “Yebo. Ngitomshayela futsi ngimbute kutsi ngingawutfola yini umsebenti wami. Futsi uma a . . . Uma lowomsebenti, lomunye anawo manje, futsi bangeke bamnike umsebenti loncono,” ngatsi, “ngitawubese-ke ngi . . . Ngitohamba neMnaketfu Wood, futsi sitohamba siyokwakha takhiwo noma lenye intfo letsite. Ngitomsita.” Futsi ngako ngatsi, “Uma ngiphuma ensimini, kusobala, loko kutomkhipha, naye, futsi angabuyela ekwakheni takhiwo, futsi singahamba siyosebenta.” Ngako-ke njenge . . .

Watsi, “Yebo-ke, ngi—ngiyetsema impela kutsi uyati kutsi ukhuluma ngani, Bill.”

Ngase ngitsi, “Yebo-ke, ngi . . .”

Ngase ngiyabuka. Kuta, kwehla kusuka kusilingi . . . O, mhlawumbe nje . . .

Bengingeke ngilindzele kutsi ukucondze. Kodvwa leyo yintfo letsite kutsi, uma sihlangana e . . . buso nebuso naJesu, nito . . . ? . . . eVini.

Naku kufika intfo letsite, ihamba. Ngabona lababili labancane, bantfwana labanebuso lobumnyama befika, beta entasi, badvonsa incola lencane.

Ngatsi, “S’thandwa, buka, wota *lapha*.” Ngase ngihambile ngalesosikhatsi.

Wase utsi, “Ukhulumu ngani?” Ngangimuva, kodvwa bengingakhoni kumphendvula.

Futsi labantfwana labancane bebahamba bacondze ngakimi, labancane, luhlobo lwetinwele letindze; futsi letimnyama, emehlo lansundvu; buso lobunsundvu, buta, buhamba buta kimi.

⁸⁴ Futsi nga—ngabona ngalesosikhatsi, ngacala kuhamba. Ngale kwalabantfwana, ngabona uMnumz. Arganbright, umnaketfu, lohambe waya ngesheya kwetilwandle nami sikhatsi lesinengi, ngimbona eme lapho, angibukile. Ngachubeka, ngaya kuye.

Manje, ngangisolo ngimuva umkami ahambahamba lakamelweni.

⁸⁵ Ngitokusho ngalendlela kute nitokucondza. Kungahle kungabi ngemavi lafanele, kodvwa kute nitocondza. Lelozinga linye lebengikulo, ngase ngiyaphuma-ke ngangena kulelinye. Angibange ngisamuva ahamba. Kwakungasekho.

⁸⁶ Futsi ngabona uMnumz. Arganbright. Bekayindlela yakhe lencane lengakejwayeleki, indlela lamisa ngayo inhloko yakhe futsi atsi kumamatseka njengoba angibuka. Futsi watsi, “Mnaketfu Branham,” watsi, “sikhipe emakhadi, ndzawo tonkhe. Futsi sinendlela yakho, yekungena uphindze uphume. Futsi yonkhe intfo seyilungele.”

Ngatsi, “Kulungile, Mnaketfu Arganbright, ngihambe ngakuphi?”

Watsi, “Chubeka nje.”

Ngachubeka. Ngendlula labanye bafundisi.

Khona-ke, ngachubeka kancanyana. Ngefika endzaweni lengatsi yimboniso, futsi konkhe kukanjalo, kubukeka kunjalo, kuhleti tinkhulungwane tebantfu.

Futsi nje ngalesosikhatsi ngeva lomunye atsi, “Umhlangano sewukhishiwe.”

⁸⁷ “Yebo-ke,” ngatsi, “ngubani lowukhiphile? Kwentekе kanjani kutsi ukhishwe?” Futsi ngangicoca. Ngatsi, “Ukhishwelweni na? Kwentekeni?” Futsi kwakuyimvula yekufafata.

Futsi Intfo letsite yatsi kimi, “Ngaloku utokwati.”

Ngase ngitsi, “Yebo-ke, angi . . .”

⁸⁸ Ngase-ke ngiyangena, ngachubekela phambili embonweni. Futsi ngesikhatsi kwenteka, ngangime naso, niyati, sicutfalo lesincane seluswane, cishe lolu ngangemnyaka budzala. Niyati, letimbobo temafosi letincanyanya; hhayi libhudze, kodvwa si—sicutfalo. Futsi ngangine—nentsambo lencane esandleni sami, ngitama kufaka lensesambo lencane kulembobo lengulokusiphohlongo kweli-intji kulembobo yesicatfalo, nentsambo lencane lengangahhafu weli-intji. Ngisebenta nje ngekutimisela, ngitama kufuca lensesambo ingene, lensesambo lenguhhafu weli-intji, ingene kulembobo yesicatfalo lencane ngisho kunehhafu yeli-intji. Futsi ngangidzabula imitiya yonkhe indzawo, kulentsambo, ngitama kuyifucela ingene kanjalo. Futsi nje kwakungeke kukwente. Nalentsambo yayivitsike yonkhe, lakugcineni.

⁸⁹ Ngako, ngalesosikhatsi nje ngeva Lomunye atsi, emvakwami, “Awucondzi yini kutsi angeke ukhone kufundzisa tinswane tintfo letingetulu kwemvelo na?” Ngacalata. Futsi Kwakusemvakwami. Futsi ngalicondza leloPhimbo. Watsi, “Usebentisa lisayidi lelingesilo lalentsambo.”

⁹⁰ Futsi ngabuka phansi ekugcineni kwalentsambo ibekwe phansi, incumbi lenkhulu yentsambo, futsi yayilukwe kahle kuyofika phansi lekahle lengulokusiphohlongo kweli-intji, kute yendlule kulembobo. Ngatsi, “Ngiyacondza.”

⁹¹ Futsi lapho sengigobondzela kutsi ngitsatse lensesambo, ngatsatfwa futsi. Manje, kumake phansi loku. Kubukisise nasekufeze ka. Niyabona na? Futsi lapho ngi—ngicala kufinyelela phansi, ngasengihamble futsi. Khona-ke, ngesikhatsi sengisanguluka, ngangime ngaseceleni kwelichibi lelihle, intfo lefana nalelichibi lenu ngephandle lapha ngesikhatsi sasehlobo lapho kukuhle khona futsi kuluhlata. Futsi kwakunebadwebi ndzawo tonkhe bagegeletele lelichibi, futsi bebadweba, kodvwa bebabamba tinhlanti letincane. Futsi ngabuka laphaya ekhatsi echibini, naletu letinkhulu, tinhlanti temushi i-trawuthi letibukekako ngephandle lapho, ngase ngitsi, “Ngiyati kutsi lona ngumbono, kodvwa angiyicondzi leyonhlanti i-trawuthi. Kodvwa,” ngatsi, “uyati, ngiyakholwa, khona phansi enhlitiywensi yami, ngingeke sengitibambe leto.” Ngako, ngatsatsa lensesambo, kodvwa, esikhundleni sekutsi ibe yintsambo, kwakulidweba.

⁹² Futsi nje ngalesosikhatsi, Lowo losemvakwami watsi, “Manje ngitokufundzisa kudweba, kutsi utibamba kanjani leto.” Futsi ngako Watsatsa...Futsi Watsi, “Bopha lihhuka nemsundvu.” Ngase ngabophela lihhuka nemsundvu. Watsi, “Manje phonsa ekhatsi le,” manje lalelisisa, “ekhatsi le ekujuleni.” Futsi Watsi, “Uma wenta, manje uvumele lihhuka nemsundvu licwile liyephansi, kucala. Bese-ke,” watsi, “ulidvonse kancane.” Manje, lobo buciko bemdwebi sibili. Ngako na...

⁹³ Watsi, “Bese-ke, uma ukwenta, manje, utokuva kuluma lokuncane kulo, kodvwa ungarjeli muntau kutsi wentani. Kugcine kuwe lucobo.” Futsi watsi, “Khona-ke uma u—uma uva kutsi kuyadlela futsi,” watsi, “udvonse nje kancane, kancanyana, kodvwa hhayi kakhulu kakhulu,” Watsi, “lutawubese luyatikhwesisa kulenhlanti lencane. Futsi uma tisakaka, loko kutodvonsa emehlo alenhlanti lenkhulu, futsi titolubamba.” Futsi watsi, “Nguleyondlela lotoyibamba ngayo.” Watsi, “Khona-ke, uma setiluma, kwesitsatfu, beka lihhuka lakho kutsi li—libambe.”

Ngase ngitsi, “Ngiyacondza.”

Watsi, “Kodvwa thula. Ungatjeli muntau. Thula.”

Futsi ngatsi, “Kulungile.”

⁹⁴ Futsi nganginelihhuka nemsundvu esandleni sami. Nabo bonkhe labadwebi lekwabonakala ekugcineni kutsi babashumayeli, futsi bonkhe beta, batsi, “Mnaketfu Branham, ngiyati ungayibamba inhlanti.”

⁹⁵ O, kusobala, loko kwangenta ngativela ngikahle impela. Ngatsi, “O, yebo, ngingumdwibi. Ngingayibamba inhlanti.” Wase utsi... Ngatsi, “Manje, nayi indlela lokwenta ngayo.” Ngase ngitsi, “Lijike le ekhatsi.” Futsi ngaphuma ngaya le, e-emantini lajulile. Ngatsi, “Manje, letotinhlanti letincane tikahle, bazalwane, kodvwa sifuna leletinkhulu, futsi.” Futsi ngangi... vumela... Ngatsi, “Yebo-ke, niyabona, uma sicwila phansi, manje niyabona, nako ke, cishe nje lapho kufanele kube khona, manje, niyabona kukhona, niyabona, lapho—lapho, leto tinhlanti letincane.” Ngatsi, “Manje, uma selihlala futsi...”

⁹⁶ Ngaludlutfula kakhulu, futsi, ngesikhatsi ngikwenta, ngadvonsa lonkhe lihhuka nemsundvu lwaphuma emantini. Futsi ngesikhatsi ngikwenta, ngabamba inhlanti, kodvwa ngamangala kutsi ingabe ikhone kanjani nje kufaka lelihhuka nemsundvu emlonyeni wayo. Ngoba, kubukeka kwangatsi lesikhumba sayo sinwebekile etikwalellihhuka nemsundvu, ilingana nalelihhuka nemsundvu. Futsi ngacabanga, “O, hhe!”

⁹⁷ Futsi nje ngalesosikhatsi, Lona Lobekakadze akhulum, emvakwami, wahamba weta embikwami. KwakunguYe, leNgelosi yeNkhosi. Yayigoce tandla taYo. Yangibuka, yatsi, “Loko nje leNgikutjele kutsi ungakwenti!”

Ngase ngitsi, “Yebo. Kunjalo.”

⁹⁸ Yatsi, “Uyabona, lowoMdvonso wekuCala wawu ngesikhatsi uvamise kubeka tandla takho etikwebantfu futsi abatjele kutsi kwakuyini inkhatsato yabo.” Yatsi, “LoMdvonso wesiBili wawu ngesikhatsi sewati timfihlo tenhlitiyo, njengoba Ngakutjela.” Futsi yatsi, “Esikhundleni sekutsi ukugcine kuwe lucobo loko, utame kuchaza konkhe ngako, futsi watjela bantfu. Futsi ngesikhatsi ukwenta,” yatsi, “bewungati lutfo ngako,

cobelwakho. Kepha bewungakuchaza kanjani? Futsi ubangele sicuku lesikhulu sekulingisela kwenyama kutsi siphakame, futsi uyabona kutsi wenteni.”

⁹⁹ Futsi ngatsi, “Nkhosi, ngiyacolisa.” Futsi nga—ngatsi, “O, ngiyacolisa kakhulu! Angati kutsi ngenteni.”

¹⁰⁰ Futsi bengidvonsa lelusinga, *kanjena*, futsi bentitama kwelula lusinga lwami. Futsi Wangibuka, watsi, “Manje, ungalicanganisi lelusinga lwakho, kuloluhlobo lolu lwetikhatsi.”

¹⁰¹ Ngacobanga, “Mhlawumbe Utonginika lokunye kutama.” Futsi bengi...Ngatsi, “Impela ngitocaphela.” Futsi ngangigocota lusinga lwami, ngalibona litsatseka kahle.

¹⁰² Futsi-ke ngesikhatsi Asho loko, ngalesosikhatsi nje ngativela ngiphakama, ngaya etulu le. Futsi ngesikhatsi nighleti phansi, khona-ke ngangingaphansi, futsi ngime etulu ngetulu, lithende lelikhulu. Angikaze ngilibone lithende lelinjalo!

¹⁰³ Futsi ngangisente kubitela e-altari nje, kubonakala kwangatsi kunjalo, phansi e-altari. Futsi ngesikhatsi ngisentasi lapho, ngabuka, futsi kwaku nemakhulu ebantfu beme batungelete le-altari, bakhala, ngoba bebemukele iNkhosi Jesu. Futsi bebakhala nje, bamemeta kakhulu. Ngase ngitsi, “O, loko kufana kakhulu nako, kanjalo.”

¹⁰⁴ Futsi umnumzane lohloniphekile sibili waphuma waya ngembili, watsi, “Lapho uMnaketfu Branham asaphumula, imizuzwana lembalwa nje,” watsi, “sitobita lilayini lala bakhulekelwako.” Futsi watsi, “Wonkhe umuntfu lonemakhadi ekukhulekelwa lacala ngenombolo *letsite*, eme ngale, langesekudla.” Yebo-ke, ngacaphela lilayini lala bakhulekelwako, kwabonakala kungatsi lihambe litungeleta lelithende, bese liyaphuma, futsi lehle ngesitaladi. Lilayini lelinje!

¹⁰⁵ Futsi ngabuka ngale, lokwa kungesencele sami; futsi loko kutawuba ngesekudla sami, uma bengime langembili, bekutoba *ngaleyandlela*. Kunelithende lelincane lelelulekele lapho. Futsi ekhatsi ngemuva kwalelithende lelincane bekunalesincane, sakhiwo lesisikwele, cishe emafidi lalishumi nakubili bubanti nemafidi langemashumi lamabili budze, intfo lefana naleyo. Yebo-ke, ngema futsi ngakubuka loko.

¹⁰⁶ Futsi ngababona benyusa dzadze, lolele eluhlakeni. Futsi kwakunadzadze lapho atsatsa ligama lakhe netintfo, nge...e-ephepheni. Futsi ngako kukhona umuntfu lotako futsi wamtsatsa, futsi wamfucela ngekhatsi. Nalendvodza lelandzelako yeta yendlula, yayinetimboko tekuhamba. Ngababona bendlula kuleso sakhiwo lesincane.

Nangephandle, lodzadze waphuma, amemeta ngalo lonkhe liphimbo lakhe, afuca loluhlaka. Futsi i...

Khona-ke kwakukhona lomunye dzadze ngakulololunye luhlangotsi, bekabukeka njengewesifazane lonetinwele letimnyama, futsi watsi, "Kwentekeni na?"

¹⁰⁶ Watsi, "Angati nje." Watsi, "Ngingeke sengikutjele kutsi kwentekeni." Watsi, "Bengikhuatekile iminyaka lengemashumi lamabili. Futsi, buka, ngi—ngiva kwangatsi a—a—angikaze ngigule."

Futsi khona ngalesosikhatsi nje, kwaphuma indvodza, igcuma futsi igcuma, netimboko tayo—tayo esandleni sayo. Futsi nga—ngakubuka loko. Futsi ngalesosikhatsi nje . . .

¹⁰⁷ Manje, nayi intfo letsite. Caphelisisani. Kunemehluko emkhatsini weNgelosi yeNkhosi naloko kuKhanya. Ngoba, ngive intfo letsite ihamba, njengoba Yenta uma Ifika lapha ngembili, ebusuku, luhlobo lolufana nekutsi "Whuu! Whuu! Whuu!" futsi njengeMlilo ulavuka, uvutsa emalangabi. Futsi Kwewuka ngco ngetulu kwaleto tetsameli, futsi kwahamba futsi kwema etikwalesosakhiwo lesincane, kwase-ke kutinta etikwaso. Kwase-ke, ngesikhatsi Kwenta, Lona lobekeme eceleni kwami, emvakwami, leliPhimbo lelifanako, liPhimbo leNgelosi, Watsi, "Ngitohlangana nawe ekhatsi lapho. Futsi lona nguMdvonso weSitsatfu, kodvwa akukho muntfu loyokwati lutfo ngawo."

Ngase ngitsi, "Yebo-ke, angicondzi. Kungani ekhatsi lapho? Kungani laphaya?"

Watsi, "Ngeke kube kubukisa embikwebantfu bonkhe, kulesikhatsi lesi."

Ngase ngitsi, "Angicondzi, kungena kulelokulusana kanjalo."

¹⁰⁸ Futsi Watsi, "Akukabhalwa yini yiNkhosi yetfu, 'Uma ukhuleka, ungabi njengebazenzisi labatsandza kuviwa embikwebantfu. Kodywa ngena ekulusini leliyimfihlo futsi ukhuleke kuBabe Lobona ekusitsekeni; futsi Loyo Lobona ekusitsekeni utokunika umvuzo ebaleni?" Kuphelele emBhalweni. Sonkhe sikhatsi, kunjalo.

Ngase ngitsi, "Ngiyacondza."

¹⁰⁹ Wase-ke Ungiyisa kulendzawo, wase unghhalisa phansi kulelikamelo lapho bengikhona. Wase-ke Ungitjela kutsi angenteleni kwesitsatfu. Manje, bangani laba ngemaKhristu, loko kuto, uma ngishiya lomhlaba lona, loko kuyosolo kusesifubeni sami. Uma ngi...Kodvwa, nine makani emavi ami, loko lokutokwenteka.

Ngesikhatsi, loko-loko kwakutinyanga letisihlanu letendlulile, tinyanga letisitfupha manje, futsi sasingenalwati kutsi sasiyoke site e—entasi lapha eMexico.

¹¹⁰ Kodvwa bengicabanga kutsi bengiya ePhoenix. Futsi umngani wetfu lotsandzekako nemnaketfu lokhulekela

labagulako, uMnumz. Allen, wangena ekhatsi lapho. Watsi, "Cha. Ngitoohlala lapha, ngako anginawusuka yonkhe leyoncenyen yenya." Yebo-ke, bengingeke ngingene ngalessosikhatsi, nemnaketfu ekhatsi lapho. Beningeke nje ngikwente loko. Ngako, angimati uMnaketfu Allen, kodvwa noko uyenta ngephandle lapho emsebentini weNkhosi. Ngako ngi... Batsi, "Cha. Bekatoohlala." Ngatsi...

¹¹¹ Yebo-ke, bazalwane bangishayele, i-inhlangano lapho, licembu lebafundisi. Lokukutsi, bengifanele ngitsatse indzawo yeMnaketfu Roberts lapho asehambile waya eAustralia. Ngatsi, "Yebo-ke, loko kulungile. Uma banalotsite lapho, uMnaketfu Allen akhulekela labagulako, bengingeke ngihambe. Loko bekungeke kube buzalwane." Ngako ngatsi, "Kulungile."

NeMnaketfu Arganbright wangishayela, etinsukwini letimbalwa kamuva, futsi watsi, "Mnaketfu Branham, ngikhulumile ne... Mnaketfu Moore. Kungani ngingehleli entasi eMexico?"

Ngatsi, "O, Baron von Blomberg nalabanengi babo utamile kungiyisa eMexico. Anginandzaba nekutsi ngiye entasi."

Ngatsi, "Asibe nemhlangano waseMerica nje ndzawanatsite." Ngatsi, "Bengifuna kubeka lelothende lapho, kwekucala."

Wase utsi, "Yebo-ke, kungani ungayi eMexico?"

Ngatsi, "Yebo-ke, kulungile. Ngito... Uyabona ngako."

¹¹² Ngako kwakukhona lenye indvodza entasi lapho. Futsi yaphindze yashaya, yatsi, "Lomhlangano wonkhe uhlelwe kuletotinsuku letifanako." Futsi watsi, "Sinako ngekhatsi kwelihhola lelikhulu entasi lapho."

¹¹³ Futsi ngalobo busuku, ngangisentasi kaMnumz. Wood. Ngacabanga, "Uyati, kunjalo. 'Labancane, bantfwana labanebuso lobumnyama, babukeka njengeliNdiya,' nguloko umbono longiko." Ngase ngitsi-ke, "Kodvwa, intfo lengakejwayeleki, kwakufanele kube sembonisweni, futsi intfo letsite mayelana ne 'kukhulula.'" Ngako-ke uma si...

¹¹⁴ Etinsukwini letimbili kamuva, uMnumz. Arganbright washaya futsi watsi, "Mnaketfu Branham, sinenkhundla lenkhulu yemdlalo wenkunzi. Nahulumende waseMexico uyakungenisa, kwekucala emlandwweni waseMexico kutsi umuntfu longasilo liKhatolika ake angeniswe nguhulumende."

Ngako ngatsi, "Loko kuhle kakhlulu." Ngako ngatsi, "Manje kukhona lokulungiselela kwenteka." Ngatsi, "Sinenkhatsato letako."

¹¹⁵ Futsi niyati, ngesikhatsi sehlela eMexico futsi salungiselela, futsi saphuma saya kulenkundla yemdlalo wenkunzi, umuntfu lotsite... Lana litulu, emgwacweni lophumela lapho, futsi

lomunye bekakhiphe leyomihlangano. Futsi abati kutsi ngubani lolowakwenta, namanje. Kunjalo. Kunjalo impela.

¹¹⁶ Ngase-ke ngibuya ekhaya, ngandiza ngabuya ngelilanga lesibili. Sasingakhoni ngisho... uMnaketfu Moore watsi, "Mnaketfu Branham, ngito—ngitotfola." Futsi asitfolanga ngisho nemshumayeli, nomakuphi. Futsi akukho muntfu lobekati ngako. Wase uMnaketfu Moore utsi, "Uma ngi... Mnaketfu Branham, naloku nje ngikulandzela, kube bengingakaze ngikukholwe kuze kube ngulesikhatsi lesi, impela bengingakwenta manje."

Ngase ngitsi, "Kunjalo." Ngako, sabuya enhla.

Ngase-ke ngiyeva kutsi uMnumz. Arganbright bekasendleleni yakhe eta kutongibona.

¹¹⁷ Ngaphuma kuyokhuleka emgedzeni wami, futsi ngacela iNkhosi ini. Wangikhombisa lomunye umbono. Watsi, "Tinhlanti letifile." Betilele nja, futsi Wangitjela kutsi kwakuyini. Watsi, "Buyela emuva. Kodvwa lesi akusiso empeleni sikhatsi, kodvwa Ngitokubusisa."

¹¹⁸ Ngabuyela emuva entasi lapho, futsi ndzawanatsite lapha emashumini lamane, bantfu labatinkhulungwane lettingemashumi lasihlanu beta kuKhristu. Umntfwana lofile wavuswa kulabafile, netintfo letinkhulu letentekile.

¹¹⁹ Manje ngilindze li-awa. Ningacobanga nje kutsi loku kubukeka kukuncane kanjani manje, kutsi letintfo leti tuyenteka, letintfo leti letinkhulu lesitivele tentekile.

¹²⁰ Ngalolobunye busuku, mine, ngingati... Bangakhi lobeka sePhiladelphian Church ngesikhatsi bangiva ngitsi kumunfu lotsite, "Ucalekisiwe umunfu lophakamisa emehlo abo nangisakhulekela lowesifazane loyimphumphutse"? Nguloko lebengikwenta. Niyabona na?

¹²¹ INkhosi ilungiselela kuvakashela bantfu baYo, kulokukhulu, intfo lemangalisako, bangani. Futsi ngingakhona... Kufanele kube yimfiho enhlitiyweni yami lucobo. Kodvwa njengoba ningati, futsi ngikholweni, futsi ningitsandze, futsi ningihloniphe njengenceku yaNkulunkulu; khumbulani nje, ngiyanitjela, sibusiso sisendleleni, kunjalo, siyeta. Futsi kungeke kube butsakatsaka. Angeke kusaphindze kungicedze emandla. Futsi kutoba khashane ngaleyka kwanomayini leyake yenteka lapha noma ngasiphi sikhatsi lesinye. Kuyintfo nje iNkhosi leyiniketile. Futsi ngifuna...

¹²² Loko bekungangenta li—likholwa emseni. Emvakwekuba sengente, netintfo lengitentile, nendlela lebengitente ngayo, futsi ngalahlwa embikwa Nkulunkulu, kepha noko, uma Nkulunkulu akhuluma nomayini futsi ente i... Utokwenta, noma kanjani. Amen.

¹²³ Mosi wabulala indvodza, ngalesinye sikhatsi. Kodvwa Nkulunkulu bekancumile. Wamgcina emuva lapho ngemuva kwelugwadvule, iminyaka lengemashumi lamane, kodvwa watsatsa Israyeli wamyisa eveni lesetsembiso.

¹²⁴ Akamangalisi yini Yena? UnguNkulunkulu lofanako namuhla futsi leBekanguye ngalesosikhatsi. Futsi, bangani, ngisho loku kini, nonkhe makholwa langemaKhristu, kungakhatsaleki kutsi nguliphi libandla loya kulo.

¹²⁵ Entasi etindzaweni tekutfwebulela, ngalelelinye lilanga, bekunendvodza. Bengikhuluma nayo, indvodza lekahle impela nemkayo, lapho uMnaketfu Boze nami besenta khona kurekhodela kusakata. Futsi bekangichawula futsi akhuluma. Futsi ngatsi... Yebo-ke, u—uyamtsandza uMnaketfu Joseph kakhulu. Ngatsi, “Wena u... Uya ebandleni lakhe?”

Watsi, “Cha. NgiyiMethodisti.”

Ngatsi, “Yebo-ke, ungatsetselelwa ngaloko.” Futsi ngako bengimpukuta nje, kanjalo. Futsi ngatsi, “Bengichubeka nje, kuwe.”

¹²⁶ Ngatsi, “Buka, mnaketfu, bengivamise kwenta lokuncanyana kugibela. Nababe wami bekangumgibeli.” Ngase ngitsi, “Etulu e-Arapaho Forest, lapho sasidlisa khona tinkhomo,” ngatsi, “bona... Akukho lutfo lolwalungafika kulelopulazi ngaphandle kweHereford yeluhlobo, ngekwelucobo. Umphatsi welipulazi uma kudaladi wemadlelo futsi angeke avumele lutfo lwendlule ngaphandle uma kungu lokubhalisiwe, iHereford yeluhlobo.” Futsi ngatsi, “Labanye babo beta ekhatsi lapha naLazy J, labanye beta neBar W, labanye beta neCircle R, labanye neTripod. Tibekwe luphawu lolwehlukile, kodvwa tonkhe tiluhlobo lweHereford.” Kunjalo.

¹²⁷ Nguleyondlela lokungayo. Singahle sibe yiMethodisti, iBaptisti, *loku*, noma *lokwa*, noma *lolokunye*. Kodvwa kuphela nje uma ungumKhristu weluhlobo, ngemandla aMoya loNgewe, nguleyontfo kuphela lengangena kulelidelo, eSibayeni. Ngoba, “NgaMoya munye tsine sonkhe sibhabhatiselwe eMtimbeni munye.” Futsi siba bantfu banye, liBandla linye, nemcondvo munye nenjongo yinye: kudvumisa Jesu Khristu siselapha emhlabeni. LiZulu linye! Ngabe kunjalo na? Futsi sibonga kakhulu ngaloko.

¹²⁸ Manje sengisendlulile sikhatsi sami, sekukhuluma nawe, ngoba ufanele usheshise ubuye emuva kancanyana nje. Kodvwa bangakhi lotsandza kukhuluma ngenhlitiyo-kuya enhlitiywensi? Nibonakala kwangatsi ni—niyakuondza. Besingakhuluma ema-awa nema-awa.

“Futsi manje,” uma kukutsi, “Mnaketfu Branham, ungangichazela loku?” Ngingeke. Ngifisa kwangatsi bengingakwenta, kodvwa ngingeke. Akunakwenteka.

¹²⁹ Ungeke utichaze tintfo letingetulu kwemvelo. Futsi uma utama kukwenta, kunjengoba nje Angitjelile, ubanga kucatsanisa kwenyama kutsi kuvuke. Niyabona na? Uyakwenta. Kungu lokuphatsekako nje. Kutokwenta loko. Futsi ku—kungumcabo eMtimbeni waKhristu. Niyati kutsi ngicondze kutsini? Ku—ku—kubanga incabano.

¹³⁰ Manje, intfo yekutsi yentiwe kutsi yetsembeka enhlitiywensi yakho, tsandza iNkhosi ngayo yonkhe inhlitiyo yakho, futsi bongani nje kutsi Nkulunkulu uyamasha uyachubeka natsi, iNkhosi Jesu Khristu levukile.

¹³¹ Futsi ngisho loku, futsi ngenta loku kusho kungakenteki. Angikusho eGameni leNkhosi, manje. Ngiyakusho, njengemmakena. Ngikusho kungakenteki loku. Futsi lalelisisan. Ngiyasho kungakenteki kutsi iMerica, kulomnyaka, i-United States, kulomnyaka, kusekhatsi kwekutsi wemukela Khristu noma utocala kuwa, kulomnyaka. Ya. Lesi sikhatsi seMerica sekuphendvuka. Futsi uma singa... Ngakubiketela loko ngekutsi, ngiyacabanga, cishe ngaBhimbidvwane 15 noma 16 walomnyaka, kutivela nje ngiholeleka kutsi ngikusho. Futsi ku... Nginamatsele kuko.

¹³² Futsi ngabuka emasondvo agucuka. Ngicaphela lolomkhulu, umvangeli lodvumile, Billy Graham, abuya avela ngesheya kwetilwandle futsi wamisa imihlangano yakhe, eNew York naletindzawo letinkhulu, kushaya letotindzawana letibalulekile, nakanjalonjalo. Futsi ngiyakubona loko, uMnaketfu Roberts ucoshwa eveni langephandle. UMnumz. Arganbright uyangifuna, emvakweNhlabo, kanye nabo, kutsi ngingene eJalimane, emuva entasi eNingizimu Africa nangalapho, kodvwa kukhona loku ngibambelela la Merica. Nabobonkhe lalabanye kubonakala kuyindlela lefanako.

¹³³ Futsi ngikhola kutsi iMerica itotfola kubitwa kwayo kwekugcina, kulomnyaka. Kunjalo. Beningeke ngibe nesibindzi. Bukani *lapha* lamatheyiphini phansi *lapha*. Angahle adlalwe iminyaka lengemashumi lamabili kusukela namuhla. Niyabona na? Ufanele ucaphele kutsi ukhuluma ngani, ucaphele kutsi utsini. Kodvwa ngiyakukholwa loko. Manje, iNkhosi ayikangitjeli loko. Kodvwa ngiyakukholwa loko, kutsi iMerica kusekhatsi kwekutsi itokwemukela Khristu noma itoMala, ngalokusobala, kulomnyaka. Futsi ngiyabiketela kutsi batoMala. Ngiyakwenta.

¹³⁴ Bukani kutsi bentani entasi eFlorida, kuJack Coe. Bukani kutsi bentani, yonkhe indlela. Bangake bakwente kanjani...? Loko akukho ngisho kumtsetfo-sisekelo, kukhipha umuntfu esifundzeni. Sinenkhululeko yekukhuluma. Impela, sinayo. Kodvwa bato...

¹³⁵ Intfo yekucala niyati, bayotama kumisa konkhe loku. Bayotama kuyekela kukhulekela labagulako, futsi babeke

“kumiswa” kuko. Futsi khumbulani nje kutsi: uma kuhlushwa kuphakama, liBandla, Lita ekuphakameni kwaLo lokukhulu ngalesosikhatsi. Kuhlala njalo kukuhle kakhulu. Yebo, mnunzane. NaNkulunkulu ukusebenta konkhe ndzawonye.

¹³⁶ [Lomunye umfo utsi, “Amen. Ludvumo kuNkulunkulu! Amen. Amen. Amen. Amen. Neludvumo kuNkulunkulu!”—Umhl.] Akadvunyiswe Nkulunkulu Losinika kuncoba!

¹³⁷ [Bodzadze lababili bakhuluma ngetilimi ngesikhatsi lesifanako—Umhl.] Funani lihumusho manje, nibone kutsi Bekatotsini kitsi. [Bodzadze lababili futsi bakhuluma ngetilimi ngesikhatsi lesifanako. Akucoshwanga etheyiphini.]...futsi kunjalo.

¹³⁸ Kunekuhumusha lokulandzela loku manje. Wonkhe umuntfu akahloniphe ngekutitfoba impela. Nalodzadze ukhulumile, nomangabe bekungubani. Lalelisani impela. Akutsi labo labatiko, manje, niyabona. [Lomunye dzadze ucala kuhuluma ngalolunye lulwimi—Umhl.] Shi, shi, shi, shi! [Lodzadze uchubeka nekukhuluma ngalolunye lulwimi, ngesikhatsi lomunye dzadze aniketa inchazelo ngesikhatsi lesifanako.]

¹³⁹ Tinhloko tenu tikhotseme, nikuvile loko kuhumusha. Bangakhi lapha lofuna kwemukela Khristu njengeMsindzisi locondzene naye, kutsi akhunjulwe emkhulekweni? Ningatiphakamisa tandla tenu tiphakame kakhulu njengamanje? Tiphakame kakhulu, kute sibone kutsi nibobani, tiphakame kakhulu.

Sitfolo ishuni lencane ku-ogani, uma utsandza, kwemizuzwana lembalwa.

¹⁴⁰ Usakhotsamisa inhloko yakho manje, futsi ukholwe ngayo yonkhe inhlitiyo yakho, lapho liphimbo lisashito kutsi leli bekuliCiniso. Uma uke ungene, wota manje.

¹⁴¹ Babe wetfu loseZulwini, sikhulekela kutsi eGameni laJesu Khristu, kutsi, njengoba uMoya waKho uhambahamba etikwalesakhiwo manje. Nemaphimbo aphumile futsi atsi lesi besekusikhatsi, leli seli-awa. Futsi ngiyakhuleka, Babe loseZulwini, kutsi, ngibona tonkhe letotandla letiphakeme. Labanye, mhlawumbe tandla letingemashumi lamatsatfu noma ngetulu, tiphakamele emoyeni njengamanje, kwemukela Khristu njengeMsindzisi locondzene nabo; ngekuva loMlayeto, sati kutsi sisesikhatsini sekugcina.

¹⁴² Lemililo yemvuselelo kulolonkhe ligcuma. Nkulunkulu wetsembisa, etinsukwini tekugcina, kutsi Uyovusa letintfo leti, kufakazela kutsi Beka nguNkulunkulu, nasemkhatsini wetfu futsi senta loko lobekulungile, futsi sikhombisa tibonakaliso netimanga letinkhulu emkhatsini webantfu, kutsi timplumphutse tiyobona, tihhulu tiyokuva, futsi kuyoba

netinkonzo letinkhulu letingetulu kwemvelo letichubekako. Futsi namuhla, Nkhosi, siphilela kukubona.

¹⁴³ Futsi ngiyakhuleka, Babe loseZulwini, kutsi wonkhe walaba tatane, bantfwana labatsandzekako labaphakamise tandla tabo njengamanje, kutsi bebafuna kuKwemukela njengeMsindzisi locondzene nabo, kutsi Utobasindzisa esonweni. Siphe kona, Nkhosi.

¹⁴⁴ Futsi ngiyakhuleka, futsi, kutsi sisekulomnyakato lomkhulu njengamanje, kutsi Moya loNgcwele utogcwalis a yonkhe inhlitiyo, kabusha. Basa umlilo lomusha, Nkhosi, emiphefumulweni yabo. Kwangatsi bangaphuma nenshisekelo, emvakwekuva; masinyane nje uma leloLivi selikhulunyiwe, kutsi sive setfu lesitsandzekako sitokwala lomnikelo.

¹⁴⁵ O Nkulunkulu, imibuso lemikhulu ifanele iwe. Yonkhe intfo lefako itofanele ivulele kungafi indlela, O Nkulunkulu, njengoba sibona loku. Sime ngaleya etindzaleni tasendvulo taseRoma, kubona lapho lelo lelikhulu, live lelingumbuso lomkhulu ngalelinye lilanga lema njengendzawo lechakazako yemhlabo, indzawana lekhanya kunato tonkhe emhlabeni wonkhe. Futsi, namuhla, ugubha emafidi langemashumi lamabili ngaphansi kwemhlabo, kutfola tindzala talombuso lomkhulu. Ngaleya, ekhatsi lapho lithempeli lake lema khona, iMoslemu yase Omar ime khona. Letinengi tetintfo letinkhulu, tive letinkhulu, Alexander lomkhulu loMkhulu, neGreece, naletinengi letinye tindzawo, kutsi imibuso iwe kanjani!

¹⁴⁶ Nkulunkulu, sibona sisekelo sesive sivutfuka, ngenca yekwencatjwa kweliVangeli. Lapho emadvodza lamakhulu atsanyele lesive lesi, akama kuyo yonkhe indzawo, imilayeto yeliVangeli yaphuma; umoya njengaJohane umBhabhatisi, angenti imimangaliso noma asho noma yini ngemimangaliso, kodvwa watsanyela sive sonkhe. Khona-ke emandla lasebenta imimangaliso aJesu akulandzela, njengoba enta kuJohane, futsi noma kunjalo sive sakitsi, inkantini, imboza, emaklabhu asebusuku, sono sincwabelana nhlangotsi tonkhe. Imphucuko yetfu lenkhulu iyawa, iyawa. Yonkhe intfo ifanele ikhweshe. Yonkhe lemibuso ifanele iwe, kute uMbuso waNkulunkulu ukhishwe kuwo, ngekukhanya kwawo, nesikhatsi lesikhulu seminyaka leyiNkulungwane singena endzaweni.

¹⁴⁷ Ngibona sihlahla lesidzala, lapho kwake khona, eminyakeni lembalwa leyendlulile, njengemfana, ngahlala; lapho lesikhulu, nemagala latinkhos, ngacabanga kanjani nje kutsi lesosihlahla siyoba lapho emakhulu eminyaka. Futsi namuhla kuyingoti lebhacile, kwati kutsi tonkhe tintfo letifako tifanele tikhweshe.

¹⁴⁸ Mine, futsi, Nkhosi, ngake ngaba yinsizwa, ngitibona sengivula indlela manje, ngifinyelela ngetulu kwelilayini ngaleya, kubona kushona kwelilanga. Namuhla, tinhloko letinengi letimpunga tikhoseme kulesakhiwo, lapho bake

baba ngulabacine khona, tinsizwa letibukekako. Besifazane labanengi nebuso babo bukhotseme, kushwaphana, futsi manje tinyembeti tijuba indlela yekushwaphana ebusweni babo lowake watsandzeka futsi waba muhle, njengebesifazane labasebasha. O Nkulunkulu! “Yonkhe inyama injengetjani.” Kuphela sekusondzele.

¹⁴⁹ O Khristu waNkulunkulu, yemukela labantfu laba labaphuyile eMbusweni waKho. Ngalelinye lilanga, ngifanele ngime Ngaleyia e—eSihlalweni sebukhosи saNkulunkulu, futsi ngitiphendvulele ngenkonzo yami, ngitilandze ngaletintfo leti Longivumele kutsi ngitente, Nkhosi, emkhatsini webantfu, kumemetela kuvuka kweNkhosi Jesu. Nkulunkulu, ngifanele ngiphendvule ngaloko. O Nkulunkulu, vutsisa inshisekelo enhlitiyweni yami, kakhulu kakhulu, nekuhlakanipha, kute ngati kutsi ngingabaholela kanjani bantfu eNkhosini Jesu.

¹⁵⁰ Namuhla, Babe, Wena wetsembisile eVini laKho leliNgewe, “Loyo lova emaVi aMi, futsi akholwe nguYe loNgitfumile, unekuPhila lokuphakadze; futsi akasayi ekwahluelweni, kodvwa wendlulile ekufeni wangena ekuPhileni.”

¹⁵¹ Tandla letinengi ngesheya lapha tiphakamile, Nkhosi. Labanengi labaphuyile, bantfu labalahlekile, labanengi babo bahlubukile futsi baphuma endleleni. Nkulunkulu, siphe loko, kulomzuzu nje, kutsi Moya loyiNgewe anikete bufakazi kutsi letintfo leti tiliciniso, kutsi sisesikhatsini sekugcina, futsi bayacondza kutsi ngalelinye lilanga titofezeka. Kwangatsi bangemukela Khristu njengamanje, sisakhotsamise tinhloko tetfu.

¹⁵² Ngabe ukhona yini umuntfu ekhatsi lapha manje, labangazange basiphakamise sandla sabo elubitweni lwekucala na? Ungasiphakamisa sandla sakho manje? Futsi utsi, “Ngifuna kwemukela Khristu, kulesikhatsi lesi, njengeMsindzisi wami.” Ungakwenta na? Lomunye futsi? Loko akukaze . . .

¹⁵³ Nike nacaphela kutsi uMlilo usishaye kanjani lesakhiwo ngesikhatsi leloLivi liphuma? Niyabona na? Ngiyakholwa, mngani. Nkulunkulu akubusise, mngani wami lomncane, nsizwa nesandla sakho siphakeme. Nkulunkulu, nika umnaketfu. UnekuPhila lokuPhakadze ngekukholwa eNkhosini Jesu.

Ngiyatibuta, kuvulande losesitezi ndzawanatsite?

¹⁵⁴ Uma sibona kutsi Nkulunkulu wetsembisa letintfo leti, silapha kutibona tifezeka. Siyati kutsi Nkulunkulu wakwetsembisa. Futsi nomayini Nkulunkulu layetsembisa, Nkulunkulu ubophelelekile kutsi akwente.

¹⁵⁵ Angabakhona lomunye na? Nkulunkulu akubusise, dzadze. Ngiyasibona sandla sakho. Angabakhona lomunye lophakamisa sandla sabo? Nkulunkulu akubusise, dzadze. Ngiyasibona sandla sakho. Nkulunkulu akubusise, dzadze lomncane.

Ngiyasibona sandla sakho. Lomunye futsi? Nkulunkulu akubusise, dzadze. Ngiyasibona sandla sakho.

¹⁵⁶ Lomunye kuvulande losesitezi? Ngitotsandza kubona lomunye, losetulu kuvulande losesitezi, longesuye umKhristu, longatsandza kusho. Nkulunkulu akubusise. Bengati nje kutsi bewusenhlalapho, ndvodzana. Kukhona umuntfu lotsite, ngoba Moya loyiNgcwele ubonakele angiholela kuvulande losesitezi. Angati kutsi kungani. Angisilo luhlanya. Uma ngingilo, angikacondzi kuba ngilo. Kodvwa kubonakala nje kwangatsi bekukhona lomunye kuvulande losesitezi. Nkulunkulu akubusise, ndvodzana. Kwangatsi unga... Futsi uma lowo ngumkakho ngakuwe, kwangatsi ungakhonta iNkhosi Jesu ngayo yonkhe inhlitiyo yakho. Kwangatsi Lingagucula imphilo yakho, likhaya lakho. Litogucuka. Kwangatsi ungaba yinceku yaKhe.

¹⁵⁷ Ngabe ukhona lomunye, ngaphambi nje kwekuvala manje, ngaphambi kwekutsi ngijikisele inkonzo kuMnaketfu Boze na? Labafana batodzinge bangene, imizuzu lembalwa, futsi bacale kuniketa emakhadi ekukhulekelwa. Ningakwenta, lomunye nje futsi, baphakamise sandla sabo, ndzawanatsite kulesakhwi? Mnaketfu Joseph... Uma nje utophakamisa sandla sakho, umzuzwana nje; ngifuna kukhuleka nawe, futsi. Yebo. Nkulunkulu akubusise. Ngiyakubona entasi lapho. Ngiyabonga, mnumzane lonemusa. Nkulunkulu akubusise laphaya, nsizwa. Loko kuhle kakhulu.

¹⁵⁸ Manje, loku kungahle kubonakale kungakejwayeleki kancane kulabanye benu, kutsi leloLivi linye lalitokwephula kanjani intfo lenjengaleyo, neMlilo wawutohlakateka. Niyabona na? Kungoba kuliCiniso, ne–nelinothi leligcamile eMlayetweni, niyabona, kutsi sisesikhatsini sekugcina.

Nkulunkulu akubusise, mnumzane. Ngiyasibona sandla sakho. Nkulunkulu akubusise. Nkulunkulu akubusise.

Manje, ngiyanitjela, bangani, kunalabanengi labahleti lapha, ngiyakholwa, laba labatokuba nekuhlushwa lokubi kakhulu ngenga yelukholo lwabo ngaphambi kwekutsi kubekwe luhawu.

¹⁵⁹ Nkulunkulu akubusise. Lomunye futsi baphakamise sandla sabo na? Nkulunkulu akubusise, emuva le ngemuva. Ngiyasibona sandla sakho, mnumzane. Lomunye futsi? Manje, lomunye futsi, phakamisa sandla sakho ngalokukhulu kushesha. Sisalindzele umkhuleko wekuphuma, uma utophakamisa sandla sakho. Nkulunkulu akubusise, ndvodzana. Nkulunkulu akubusise, ndvodzana. Nkulunkulu akubusise. Nkulunkulu akubusise. Ngiyasibona sandla sakho, kulendvodza etulu lapho. Yebo. Nkulunkulu akubusise, mnaketfu. Ngiyabona.

¹⁶⁰ Loko kuyamangalisa; kwemukele nje Khristu. Wena, uma uphakamisa sandla sakho, Nkulunkulu ukubhala phansi

eNcwadzini yekuPhila. Ngawo lowomzuzu ukholwa, wendlula ekufeni wangena ekuPhileni, uma uphakamisa sandla sakho. Usiphakamise kanjani sandla sakho na? “Akekho umuntfu longeta kiMi uma Babe waMi angamdvonsi, kucala.” Ngulokoke. Nkulunkulu, lapha, udvonsa; uphakamisa sandla sakho. Tingelosi tibhala ligama lakho eNcwadzini yekuPhila. Loko kuyakucatulula. Manje nitokwemukela Moya loyiNgcwele uma nje kuphela nitokholwa.

Manje, netinhloko tetfu tikhotsome futsi.

¹⁶¹ Babe wetfu loseZulwini, tfumela tibusiso taKho. Futsi ngiyaKubonga, Babe, ngalelibandla lelikhulu lebantfu lemukela Khristu nje. NgiyaKubonga ngekucinisekisa uMlayeto waKho, Nkhosi, futsi ngiWuniketa, nekwenta letintfo Losentele tonamuhla. Labantu laba batojabula tonkhe tinsuku tekuphila kwabo. Ubaphe kuPhila loku ngunaphakadze, njengamanje, ngoba bakholiwe eNkhosini Jesu. Futsi, Babe, uma loko kubitela e-altari kwentiwa, emzuzwaneni nje, kwenyukela lapha futsi ngekwebuntfu beme batungelete i-altari noma esikhaleni setitulo, futsi bakhuleke kuWe futsi babonge ngensindziso yabo, Ngikhulekela kutsi sonkhe sandla lesiphakamile sitoma esikhaleni setitulo, ndzawanatsite, futsi bakhuleke kuWe, futsi babonge ngekubemukela, noma, bemukele bangene eMbusweni waKho. Siphe kona, Nkhosi. Kwangatsi tibusiso taKho taPhakadze tingaphumula etikwabo.

Futsi nenhloko yetfu ikhotseme, uMnaketfu Joseph utochubeka, umkhuleko.



UYINI UMBONO? SSW56-0408A
(What Is A Vision?)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ntsambama, ngenyanga yaMabasa 8, 1956, eLane Tech High School eChicago, eIllinois, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org